

25 JUN 1997

M'SIA TUAN RUMAH SIDANG DADAH ANTARABANGSA

KUALA LUMPUR, 25 Jun (Bernama) -- Satu persidangan antarabangsa mengenai dadah di tempat kerja dan masyarakat anjuran sektor swasta akan diadakan selama empat hari di Petaling Jaya mulai 3 Okt depan.

Persidangan anjuran bersama Persatuan Mencegah Dadah Kebangsaan (Pemadam), Program Kawalan Dadah Antarabangsa Bangsa-bangsa Bersatu (UNDCP) dan Pertubuhan Buruh Antarabangsa (ILO) itu akan dirasmikan oleh Perdana Menteri Datuk Seri Dr Mahathir Mohamad.

Menurut kenyataan Presiden PEMADAM, Datuk Seri Megat Junid Megat Ayob hari ini, Dr Mahathir yang pernah terpilih menjadi Presiden Persidangan Antarabangsa mengenai Salahguna dan Pengedaran Haram Dadah Bangsa-bangsa Bersatu (ICDAIT) akan juga menyampaikan ucapan utama.

Persidangan yang ketiga seumpamanya itu diadakan sempena sambutan ulangtahun ke-10 ICDAIT bertujuan memperkukuh lagi komitmen masyarakat antarabangsa menghapus salahguna dadah serta pengedaran haram.

Kira-kira 250 peserta dijangka mengikuti sidang itu yang akan membincangkan empat kerta kerja utama disediakan oleh pakar terkemuka. Tiada bayaran pendaftaran dikenakan.

Para wakil yang ingin membentangkan kertas contoh mengenai masalah dadah di tempat kerja atau dalam masyarakat boleh mengemukakan untuk dipertimbangkan oleh Jawatankuasa Teknikal Persidangan di PEMADAM sebelum 31 Julai, di No. 8, Jalan Ledang, 50480, Kuala Lumpur, Fax: 603-2551897 atau 2543233; E-mail: PEMADAM @ po.jaring.my - BERNAMA

RS oba